



STIFTELSEN ROMSDALSMUSEET

Per Amdams veg 4

6413 MOLDE

Att. Jan Olav Szontheimer

Saksbehandlar, innvalstelefon

Pernille Stordal Rønning, 71 25 84 83


Dispensasjon for plassering av brannskap og montering av solcellepanel på Veøya - Veøy landskapsvernområde

Statsforvaltaren i Møre og Romsdal viser til søknad av 07.05.2021 frå Romsdalsmuseet v/Jan Olav Szontheimer om plassering av brannskap og montering av solcellepanel på Veøya innanfor Veøy landskapsvernområde.

Søknaden

Romsdalsmuseet ønskjer å heve nivået for den generelle sikringa av Veøya og dei kulturhistoriske verdiane den representerer. Dette vil dei gjere ved å heve brannberedskap og ved å etablere kameraovervaking av mellomalderkyrkja, prestegarden og tilhøyrande verneområde. Dei søker om utplassering av to brannskap med slanger, eit solcellepanel og montering av tre kamera.

Dei ønskjer å plassere brannskap nr. 1 bak naustet nede ved Norvågen og brannskap nr. 2 aust for Borgstua. Plasseringa er viktig for funksjon og responstid for brannvesen. Skapa er laga av syrefast stål og har låge føter som kan festast mot berg eller på mobile betongheller. Skap 1 har mål h115, b105, d80 cm og skap 2 har mål h165, b105, d80 cm.



Figur 1: Kart vedlagt søknad som visar ønska tiltak på Veøya.



To videoovervakingskamera er planlagt på løa, som har innlagt straum med solcelledrevet batterisentral. Det tredje kameraet er planlagt på Borgstua. For å sikre straumtilgangen til dette kameraet, må det etablerast ein ny solcelledrevet batterisentral. Det er foreslått å etablere eit sørvendt solcellepanel på 10m² oppe på berget bak Borgstua, skjult av einebuskar.

Lovgrunnlaget

Søknaden er vurdert opp mot gjeldande verneforskrift, fastsett ved kongeleg resolusjon 06.06.1970 (FOR-1970-05-06-2). Det er etter kapittel II punkt 3 forbod mot å sette opp hus som ikkje er tilknytt jordbruket, hytter eller andre varige anlegg utanom eit mindre bryggjeanlegg. Plantelivet i skogsfelta er freda, jf. kapittel II punkt 5. Tiltaka i søknaden er ikkje omfatta av verneforskrifta, og må derfor ha dispensasjon frå vernereglane etter naturmangfaldlova (nml) § 48.

Statsforvaltaren har heimel for å gi dispensasjon frå verneforskriftene i § 48 i nml, der det heiter: *Forvaltningsmyndigheten kan gjøre unntak fra et vernevedtak dersom det ikke strider mot vernevedtakets formål og ikke kan påvirke verneverdiene nevneverdig, eller dersom sikkerhetshensyn eller hensynet til vesentlige samfunnsinteresser gjør det nødvendig. (...).*

Søknaden må også vurderast etter prinsippa i nml §§ 8-12, jf. § 7. Dette er prinsipp som omfattar vurdering av kunnskapsgrunnlag (§8), føre-var-omsyn (§9), samla belastning (§10), kostnadar knytt til ev. skade på naturmangfald (§11) og miljøforsvarleg teknikk og driftsmetode (§12).

Statsforvaltaren si vurdering

Formålet med Veøy landskapsvernområde er å bevare eit historisk kulturlandskap med eigenarta naturmiljø omkring Veøy gamle fylkeskyrkje. Statsforvaltaren legg til grunn at tiltaket ikkje påverkar verneverdiane nemneverdig. Tiltaka skal gjennomførast for å auke den generelle sikringa på Veøya, og har derfor ein samfunnsmessig betydning. Vilkåra for dispensasjonen i nml § 48 er med det oppfylt.

Det berørte arealet for oppføring av brannskap, solcellepanel og kamera utgjør ein så liten del av landskapsvernområdet at verneverdiane samla sett ikkje vil få nemnande skade lokalt eller regionalt, jf. nml § 10. Det kan hende noko vegetasjonen må haldast nede ved solcellepanelet for å få nok sollys. Dette vil omfatte eit lite område, og vil ikkje påverke naturverdiane i stor grad. Det er satt vilkår for dispensasjonen, jf. nml §§ 11 og 12. Statsforvaltaren meiner det ligg føre tilstrekkeleg kunnskap om verknaden av tiltaket til å fatte vedtak, jf. nml § 8. Naturmangfaldlova § 9 er ikkje tillagt vesentleg vekt.

Saka har vore drøfta i Veøyutvalget, som har stilt seg positive til tiltaka i søknaden.

Vedtak

Statsforvaltaren gir Romsdalsmuseet dispensasjon frå kapittel II punkt 3 og 5 i verneforskrifta for Veøy landskapsvernområde for oppføring av to brannskap, eit solcellepanel og montering av tre kamera slik det går fram i søknad av 07.05.2021, og på dei vilkåra som er sett opp nedanfor. Dispensasjonen omfattar også nødvendig rydding av vegetasjon for å få sollys til solcellepanelet. Heimel for vedtaket er § 48 i naturmangfaldlova.

Vilkår

- Installasjonane skal settast opp som vist i søknad og kart, og med så små inngrep som mogeleg. Ved endringar må forvaltningsmyndigheita kontaktast.
- Tiltaket skal vere reversibelt.



Anna lovverk

Vi gjer merksam på at vedtaket berre omfattar dispensasjon frå verneforskrifta i medhald av naturmangfaldlova. Nødvendige løyve etter anna lovverk må avklarast med rette myndigheiter.

Klage på vedtaket

Partane i saka eller andre med rettsleg klageinteresse kan klage på vedtaket innan tre veker frå det er mottatt. Klagen må vere grunngitt, og skal sendast til Statsforvaltaren. Miljødirektoratet avgjer klagen dersom Statsforvaltaren opprettheld vedtaket. Reglane om klage på vedtak går fram av kapittel VI i forvaltningslova.

Med helsing

Bjarne Otnes (e.f.)
fagleiar

Pernille Stordal Rønning
rådgivar

Dokumentet er elektronisk godkjent

Kopi til:

MØRE OG ROMSDAL FYLKESKOMMUNE
Statens naturoppsyn
MOLDE KOMMUNE

Postboks 2500
Postboks 5672 Sluppen
Rådhusplassen 1

6404	MOLDE
7485	TRONDHEIM
6413	MOLDE